



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gvilielmi Becani E Societate Iesv Idyllia Et Elegiae

Becanus, Gulielmus

Antverpiae, 1655

Serenissimæ Christinæ, Svecorvm, Gothorvm, Vvandalorvm Reginæ
Felicitatem Gvilielmvs Becanvs Societatis Iesv.

urn:nbn:de:hbz:466:1-12773

SERENISSIMÆ
 CHRISTINÆ,
 SVECORVM,
 GOTHORVM,
 VVANDALORVM
 REGINÆ
 FELICITATEM
 GVILIELMVS BECANVS
 SOCIETATIS IESV.



Ἰζημαι ᾧ τίνι θνατῶν κεχα-
 ρισμῶρος ἔνθω
 Σω' μοίσαις χαλεπαί γ' ὅδοι
 τελέθουσιν αἰοιδᾶν

Μουσάων, ἀπάνδυθε Διὸς μέγα
 βουλευόντος.

Sic olim Bucolicorum princeps *Idyl. xvi.*
 Theocritus. Sed fuerint ad Hie- *Hieron,*
 ronem *sen Cha-*
rites.

* 2

ronem Regem difficiles Musis
viæ, Tibi, Regina, gratus aduenit,
quem illæ comitantur. Ipsa Tu
eas colis, & quæ infra Te regna
esse duxisti, studia complecte-
ris. Sic olim inclytissimi Re-
gum bonas artes coluerunt;
quasi tum solio digni, si scientiâ
eminerent. Aiebat Alexander,
utar- illâ se malle, quàm potentiâ præ-
is in cellere: vtra Tibi potior, minùs
vitâ. dubium. Augendæ potentiæ ille
immortuus: Tu, quam nacta
eras, dimisisti. Aliena ille in-
uasit: Tu ne tua quidem reti-
nuisti, regnandi fatura, cùm
adhuc scientiis inhies. Ipso in re-
gno studuisti non tam regere
multa, quàm scire; tota in lit-
teris,

teris , cùm dignissima litteris ¹⁷⁵
gereres. Præter linguas, quibus
omnem ferè Europam alloque-
ris, cuius adyta disciplinæ Tibi
non perspecta ? quis inter Græ-
cos Latinósve bonus Auctor
non lectus ? tantum otij curæ,
quibus alter par non esset, Tibi
reliquerunt. Cùm omnia age-
res, quasi vacua studiis Te da-
bas . Ita Numini gubernare
mundum non labor, sed boni-
tas est : ita sempiternæ menti
summa felicitas sua scientia, vi-
uere intelligere est. Mutasti vi-
tæ statum, non vitam. Quæ
fortunæ erant, deseruisti : quæ
tua, seruas. Eruditos, vt prius,
in pretio habes, & eruditorum

* 3

sobolem

301
sobilem libros. Quos alij Prin-
cipes ostentationis, Tu erudi-
tionis gratiâ collegisti. Non
alius thesaurus Tibi carior. Poë-
tas in primis æstimas, qui sicut
Tu maiestatem comitate, ita
sapientiam venustate condiunt.
Aridam incultamque doctri-
nam vel sæculi vitio quidam
ament, vel suo; Tibi, veterum
exemplo, ea placet, quæ non
minùs elegantis floreat, quàm
rerum notitiâ fulciatur. Auo
tuo maior es. Vti moribus, ita
eruditionis genio perfecti ex-
emplum temporis repræsentas.
Quid, quòd cum animi tui do-
tibus poësis congruit? Diuina
est. Inde olim oracula non nisi
carmine

carmine prolata. Inde ingeniosi homines ipsis cælorum orbibus concentum tribuere, quasi cantu & carmine teneri cælitum sit. Quid, quòd optima vitæ præcepta carminibus ferè intexta sint? Te certè quantum à vitiis natura disiunxit, tantum cum virtutibus illa studiorum ratio sociauit. Cum scientiâ vitam æquas, doctior dubium, an melior. Voluptates, & luxum, honesti pestem, odisti. Quasi non nisi mente constes, adeò corpori parum vacas. Cetera, quibus sexus tuus ducitur, tantum abest vt æstimes, vt ne noris quidem. Sed mihi nomen tuum non celebrare,

★ 4 verum

verùm vsurpare , si finis , mens
est , illoque libellum meum Le-
ctori commendare. Non sper-
net hunc , vt illud videatur æsti-
mare . Placebunt quæ Tu be-
nignè aspexeris. Ab oculis tuis
lucem accipient, quæ de se neg-
lectum & tenebras mererentur.
Quod elegantia deest , tutela
supplebit.



ELE.